

# INUIT ATAQATIGIIT

## Inatsisartuni



UKA 2020/27

13. oktober 2020

Múte Bourup Egede

**Nunap immikkoortuini mittarfinnik tulleriaarinissamut tunngavissat pillugit Inatsisartut  
aalajangiiffigisassaattut siunnersuut**

**(Ineqarnermut Attaveqaqatigiinnermullu Naalakkersuisoq)**

Nunatsinni isorartuumi inuttoorsuunngitsumilu angallannikkut atukkavut oqallisaajuartarput. Inoqarfuummi akunnitsinni taamaalillunilu ilaqtariit nunaqqatigiillu akunnitsinni naapissinnanitsinnut, katerissinnaanitsinnut susassareqatigiinnitsinnullu angallaneq qitiusumik inisisimasut ilagaat.

Inuit Ataqatigiit angallannerup pitsaanerulernissaanut ullutsinnullu naapertuunnerulernissaanut aaqqiissutissanik ujartueqatigiittussaanerput pisussaaffiusutut isigaarput.

Naalakkersuisut nunap immikkoortuini mittarfinnik tulleriaarinissamut tunngavissat pillugit Inatsisartunut aalajangiiffigisassaattut siunnersuutaat isumatusaartumik, attanneqarsinnaasumik killifippullu aallaavigalugu suliarineqassasoq, Inuit Ataqatigiit oqaatigereerumavarput.

Naalakkersuisummi oqaaseqaamminni ilaatigut ima oqaasertaliisimapput:

*“Aningaasaqarnikkut ilungersunartumik inisisimavugut. Taamaattumik eqqarsarluaqqaarluta aningaasat atussavagut. Taamaattumik mittarfippassuit ataatsikkut sanaartorneqannginnissaannik periaassisamik Naalakkersuisut siunnersuuteqarput.”*

Oqaatsit taamatukanneq ittut ukiut marluk matuma siorna, mittarfiit pillugit Inuit Ataqatigiit oqariartuitigeqattaarpagut. Taamanikkut mittarfiliortiternerit kittaartumik sanaartorneqarnissaanik kissaateqarluta naaperiuteqaatigaluta.

Taamanikkut taamak oqaaseqarnigut Naalakkersuisooqatigiit, pingartumik Siumup Demokraatillu oqaasertalersorpaatilaatigut sapiissuseqannginnermik, ineriartorumanginnginnermik ersisaarinermillu. Ullumikkummita Naalakkersuisut uagut oqaatsitsinnut assingulluinnangajattunik oqaaseqartut aamma taamatut oqaasertalersussanerlutikkit?

Manna iluatsillugu, sammisamut toqqannaq attumanngikkaluarluni nalilersuutitut ilaasariaqartutut isigigatsigu, kissaatigaarput Naalakkersuisut mittarfiit sanaartorneqarnerannut killiffik minnerpaamik Inatsisartunut isertuaatsumik saqqummiutissagaat. Akisunerungaatsialernissaannimmi tusagassiorfitsigut tusagaqaqattaarnermik imalik, suleriaqqinnissatsinni avaqqussinnanngilarput. Paasisaqarnerujumanerlu isumaqanngilaq sunik tamanik unitsinsiarneq. Akisussaasusilimminguna alloriaqqinnissatsinnut tunngavissarsiorneq.

Angallannikkut aaqqiinissatsinnik siunertaqarluta oqallinnitsinni avaqqussinnaanngilarput angallannermi kiffartuussinissamut isumaqatigiissutit. Maannami atuuttut ukioq naappat qaangiuttussaapput.

# INUIT ATAQATIGIIT

## Inatsisartuni



Nutaanillu isumaqatigissutissanik ukiuni qulini atuuttussatut siunertarineqartut Naalakkersuisut maanna isumaqatigiinniutgilerutterpaat. Ukiuni qulini pituttorneq siunertanut maanna oqallisigsatsinnut kalluaanngitsoornavianngitsut kialluunniit takusinnaavaa.

Tamanna suliap oqallisigatta ataatsimiitsitaliami sukumiisumik oqallignerani pinngitsoorani qulaajarneqassasoq Inuit Ataqatigiit inassutigaarput.

Ilanngullugulu ataatsimiitsitaliap suleriaqqinnissamini nalunaarusiapi siunnersummut eqqartukkatsinnut attuumassuteqartup imarisai qulaajarluassagaat inassutigaarput. Taassumalu saniatigut ullumikkut angallannikkut piffinni sammineqartuni atukkat, pinngitsoorani isiginiarlugit sulineq tunngaveqassasoq aamma kissaatigalugu.

Avaqqunneqarsinnaanngilarlu kommunet susassaqartullu qanimat aamma tusaaneqarnissaat. Taakkumi aaqqiissutissat qanoq ittuusinnaanerannik isumaat avaqqunneqarsinnaanngimmat.

Taamak oqaaseqarluta siunnersuut Sanaartormut Ataatsimiitsitaliamut sukumiisumik suliassanngorlugu inassutigaarput.